

ՄՏՏԱԿԱՐԱՐՄԱՆ ՊԱՅՄԱՆԱԳԻՐ (2)

« _____ » _____ թ.
վայրը _____, այսուհետ՝ «Մատակարար», ի դեմս
կազմակերպության անվանումը կամ ֆիզիկական անձի ազգանունը, անունը
_____ , որը գործում է _____ հիման
պաշտոնը, ազգանունը, անունը
վրա, մի կողմից, և _____, այսուհետ՝ «Գնորդ», ի դեմս
կազմակերպության անվանումը կամ ֆիզիկական անձի ազգանունը, անունը
_____ , որը գործում է _____ հիման
պաշտոնը, ազգանունը, անունը
վրա, մյուս կողմից, կնքեցին սույն պայմանագիրը հետևյալի մասին:

1. Պայմանագրի առարկան

1.1. Ձեռնարկատիրական գործունեություն իրականացնող Մատակարարը պարտավորվում է սույն պայմանագրով նախատեսված ժամկետներում Գնորդին հանձնել ապրանքներ՝ ձեռնարկատիրական գործունեության նպատակով օգտագործելու համար, իսկ Գնորդը պարտավորվում է ընդունել այդ ապրանքները և վճարել դրանց համար:

1.2. Ապրանքների անվանացանկը, քանակը, որակը և գինը որոշվում են թիվ 1 հավելվածով, որը սույն պայմանագրի անբաժանելի մասն է:

2. Մատակարարման պայմանները

2.1. Մատակարարն ապրանքը մատակարարում է Գնորդի կողմից պատվերն ստանալու պահից՝ _____ օրվա ընթացքում, պատվերում նշված պայմաններով:

2.2. Մատակարարման օր է համարվում ապրանքը Գնորդի պահեստ հասցնելու օրը:

2.3. Ապրանքի նկատմամբ սեփականության իրավունքը Գնորդին է փոխանցվում ապրանքը համապատասխան փաստաթղթով ընդունելու պահից:

3. Կողմերի իրավունքները և պարտականությունները

3.1. Մատակարարն իրավունք ունի՝

3.1.1. Գնորդի կողմից սույն պայմանագրով սահմանված ժամկետում ապրանքները չընդունելու դեպքում հրաժարվել պայմանագիրը կատարելուց և Գնորդից պահանջել վճարելու ապրանքների համար:

3.1.2. Եթե սույն պայմանագրին համապատասխան պարտավոր է Գնորդին հանձնել ոչ միայն ապրանքներ, որոնց համար Գնորդը չի վճարել, այլև ուրիշ ապրանքներ, ապա չհանձնել այդ ապրանքները՝ մինչև նախկինում հանձնված բոլոր ապրանքների համար վճարելը:

3.2. Մատակարարը պարտավոր է՝

3.2.1. ապրանքը Գնորդին ուղարկելու պահից ոչ ուշ, քան _____ ընթացքում, այդ մասին հաղորդել Գնորդին:

Հաղորդագրությունը պետք է պարունակի՝

ա) տրանսպորտային միջոցի անվանումը.

բ) ապրանքը բեռնելու և ուղարկելու ամսաթիվը.

գ) ապրանքի անվանացանկը.

դ) ուղարկված ապրանքի ծավալը.

ե) ապրանքը Գնորդի պահեստ հասցնելու ամսաթիվը:

3.2.2. Գնորդին հանձնել սույն պայմանագրով նախատեսված ապրանք.

3.2.3. ապրանքը հանձնելու հետ միաժամանակ Գնորդին հանձնել դրա պատկանելիքները, ինչպես նաև դրան վերաբերող փաստաթղթերը.

3.2.4. Գնորդին հանձնել սույն պայմանագրով որոշված տեսականու և որակի ապրանք.

3.2.5. Գնորդին հանձնել սույն պայմանագրով նախատեսված կոմպլեկտում ներառված բոլոր ապրանքները.

3.2.6. ապրանքը Գնորդին հանձնել պատշաճ տարայով և (կամ) փաթեթով.

3.2.7. առանձին փուլում թերի մատակարարում թույլ տալու դեպքում, սույն պայմանագրի գործողության ժամկետի սահմաններում, հաջորդ փուլում (փուլերում) լրացնել թերի մատակարարվածը:

3.3. Գնորդը իրավունք ունի՝

3.3.1. ապրանքի պատկանելիքները և փաստաթղթերը սույն պայմանագրով սահմանված ժամկետում Մատակարարի կողմից չհանձնելու դեպքում հրաժարվել ապրանքից.

3.3.2. եթե Մատակարարը Գնորդին հանձնել է սույն պայմանագրով որոշվածից պակաս քանակի ապրանք, պահանջել լրացնելու ապրանքի պակաս հանձնված քանակը կամ հրաժարվելու հանձնված ապրանքից կամ դրա համար վճարելուց, իսկ եթե ապրանքի համար վճարել է, ապա պահանջել վերադարձնելու վճարված գումարը.

3.3.3. եթե սույն պայմանագրին համապատասխան տեսականու ապրանքների հետ հանձնվել է տեսականու մասին պայմանի խախտմամբ ապրանք՝

ա) ընդունել տեսականու վերաբերյալ պայմանին համապատասխանող ապրանքները և հրաժարվել մնացած ապրանքներից.

բ) հրաժարվել հանձնված բոլոր ապրանքներից.

գ) պահանջել տեսականու վերաբերող պայմանին չհամապատասխանող ապրանքը փոխարինել սույն պայմանագրով նախատեսված տեսականու համապատասխանող ապրանքով.

դ) ընդունել հանձնված բոլոր ապրանքները.

3.3.4. եթե հանձնված է անպատշաճ որակի ապրանք, պահանջել՝

ա) համաչափ պակասեցնել ապրանքի գինը.

բ) ողջամիտ (կամ երկկողմանի համաձայնեցված) ժամկետում անհատույց վերացնել ապրանքի թերությունները.

գ) հատուցելու ապրանքի թերությունները վերացնելու համար իր կատարած ծախսերը.

3.3.5. ապրանքի որակին առաջադրվող պահանջների էական խախտումների դեպքում (չվերացվող թերություններ)

ներ) իր ընտրությամբ՝

ա) հրաժարվել սույն պայմանագիրը կատարելուց և պահանջել վերադարձնելու ապրանքի համար վճարված գումարը.

բ) պահանջել փոխարինելու անպատշաճ որակի ապրանքը սույն պայմանագրին համապատասխանող որակի ապրանքով.

3.3.6. անկոմպլեկտ ապրանք հանձնելու դեպքում պահանջել՝

ա) համաչափ պակասեցնելու ապրանքի գինը.

բ) ողջամիտ (կամ երկկողմանի համաձայնեցված) ժամկետում կոմպլեկտավորելու ապրանքը.

3.3.7. եթե Վաճառողը ողջամիտ ժամկետում չի կատարել ապրանքը կոմպլեկտավորելու պահանջները՝

ա) պահանջել փոխարինելու անկոմպլեկտ ապրանքը կոմպլեկտավորված ապրանքով.

բ) հրաժարվել սույն պայմանագրից և պահանջել վերադարձնելու վճարված գումարը.

3.3.8. ծանուցելով Մատակարարին՝ հրաժարվել ժամկետանց մատակարարված ապրանքներն ընդունելուց:

3.4. Գնորդը պարտավոր է՝

3.4.1. կատարել սույն պայմանագրին համապատասխան մատակարարված ապրանքների ընդունումն ապահովող բոլոր անհրաժեշտ գործողությունները.

3.4.2. սույն պայմանագրով սահմանված ժամկետում զննել ապրանքները, ստուգել դրանց քանակը և որակն ու հայտնաբերված թերությունների մասին անհապաղ տեղեկացնել Մատակարարին.

3.4.3. մատակարարված ապրանքները տրանսպորտային կազմակերպությունից ստանալու դեպքում ստուգել ապրանքների համապատասխանությունը տրանսպորտային և ուղեկցող փաստաթղթերում նշված տեղեկություններին.

3.4.4. Մատակարարի հանձնած ապրանքից սույն պայմանագրին համապատասխան հրաժարվելու դեպքում ապահովել այդ ապրանքի պահպանությունը և դրա մասին անհապաղ տեղեկացնել Մատակարարին:

4. Ապրանքի գինը և հաշվարկման կարգը

4.1. Ապրանքի գինը կազմում է _____ դրամ:

4.2. Գնի ցանկացած փոփոխություն թույլատրվում է միայն կողմերի համաձայնությամբ:

4.3. Սույն պայմանագրի 4.1 կետում նշված գինը ներառում է (չի ներառում) ավելացված արժեքի հարկը, ապրանքը Գնորդին հասցնելու համար կատարված տրանսպորտային ծախսերը, ինչպես նաև սույն պայմանագրի պայմանները կատարելու հետ կապված՝ Մատակարարի ծախսերը: Գնորդն իրեն մատակարարված ապրանքի դիմաց վճարում է _____, ապրանքն ստանալուց հետո _____ օրվա ընթացքում:

5. Ապրանքի հանձնում-ընդունումը

5.1. Ապրանքն ընդունելու ժամանակ Գնորդն ստուգում է դրա համապատասխանությունը տրանսպորտային և ապրանքն ուղեկցող այլ փաստաթղթերում նշված տվյալներին (ներառյալ՝ սույն պայմանագիրը և պատվերը)՝ ըստ անվանացանկի, քանակի, որակի և տեսականու:

5.2. Ապրանքի հանձնում-ընդունումը վերացնելուց հետո Գնորդը կազմում է ակտ:

6. Կողմերի պատասխանատվությունը

6.1. Անպատշաճ որակի ապրանք ստանալու դեպքում Գնորդն իրավունք ունի Մատակարարից պահանջել՝

ա) համաչափ նվազեցնելու ապրանքի գինը.

բ) ողջամիտ (կամ երկկողմանի համաձայնեցված) ժամկետում անհատույց վերացնելու ապրանքի թերությունները,

գ) հատուցել ապրանքի թերությունները վերացնելու կապակցությամբ Գնորդի կատարած ծախսերը:

6.2. Եթե Մատակարարը չի մատակարարել սույն պայմանագրով նախատեսված քանակի ապրանք, կամ չի կատարել անորակ ապրանքը սահմանված ժամկետում պատշաճ որակի ապրանքով փոխարինելու Գնորդի պահանջը, ապա Գնորդն իրավունք ունի չմատակարարված ապրանքները ձեռք բերել այլ անձանցից՝ ձեռքբերման հետ կապված բոլոր անհրաժեշտ և ողջամիտ ծախսերը վերագրելով Մատակարարին:

6.3. Գնորդն իրավունք ունի հրաժարվել վճարելու անպատշաճ որակի ապրանքի համար, իսկ եթե արդեն վճարել է, ապա պահանջել վերադարձնելու վճարված գումարները:

6.4. Մատակարարը, մատակարարման ժամկետները խախտելու դեպքում, կետանցի յուրաքանչյուր օրվա համար Գնորդին վճարում է տույժ՝ ապրանքի արժեքի _____ տոկոսի չափով:

6.5. Սույն պայմանագրով չնախատեսված դեպքերում կողմերն իրենց պարտավորությունները չկատարելու համար պատասխանատվության են ենթարկվում ՀՀ օրենսդրությամբ սահմանված կարգով:

7. Անհաղթահարելի ուժի ազդեցությունը (ՖՈՐՄ-ՄՄԺՈՐ)

Սույն պայմանագրով պարտավորություններն ամբողջությամբ կամ մասնակիորեն չկատարելու համար կողմերն ազատվում են պատասխանատվությունից, եթե դա եղել է անհաղթահարելի ուժի ազդեցության հետևանքով, որը ծագել է սույն պայմանագիրը կնքելուց հետո, և որը կողմերը չէին կարող կանխատեսել կամ կանխարգելել: Այդպիսի իրավիճակներն են երկրաշարժը, ջրհեղեղը, հրդեհը, պատերազմը, ռազմական և արտակարգ դրության հայտարարումը, քաղաքական հուզումները, գործադուլները, հաղորդակցության միջոցների աշխատանքի դադարեցումը, պետական մարմինների ակտերը և այլն, որոնք անհնարին են դարձնում սույն պայմանագրով նախատեսված պարտավորությունների կատարումը: Եթե անհաղթահարելի ուժի ազդեցությունը շարունակվում է 3 (երեք) ամսից ավելի, ապա կողմերից յուրաքանչյուրն իրավունք ունի լուծարել պայմանագիրը՝ այդ մասին նախապես տեղյակ պահելով մյուս կողմին:

8. Վեճերի լուծման կարգը

Սույն պայմանագրի կապակցությամբ ծագած վեճերը լուծվում են բանակցությունների միջոցով: Համաձայնություն ձեռք չբերելու դեպքում վեճերի լուծումը հանձնվում է _____ դատարանի քննությանը:

9. Այլ պայմաններ

9.1. Սույն պայմանագիրն ուժի մեջ է մտնում այն ստորագրելու պահից և գործում է մինչև _____:

9.2. Սույն պայմանագրում բոլոր փոփոխություններն ու լրացումները կատարվում են գրավոր, որոնք նույնպես ստորագրում են կողմերը:

9.3. Սույն պայմանագիրը լուծարելու և դադարելու հիմքերը որոշվում են գործող օրենսդրությամբ սահմանված կարգով:

9.4. Սույն պայմանագիրը կնքված է հայերեն լեզվով, _____ օրինակից, որոնք ունեն հավասարազոր իրավաբանական ուժ: Յուրաքանչյուր կողմին տրվում է մեկական օրինակ:

10. Կողմերի հասցեները, բանկային վավերապայմանները և ստորագրությունները

Մատակարարող

ստորագրություն

Գնորդ

ստորագրություն